



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

De sancti Acepſimæ martyrio, & alijs qui cum eo mortem oppetebant.  
Cap. XII.

**urn:nbn:de:hbz:466:1-12718**

SOZOMENI HISTOR.

denique, si vellet ipsius parere libidini, tum eam, tum socias salvas fore. At illam hanc turpitudinem ne audire quidem voluisse, sed nuntios verbis contumeliosis excepisse, intemperatiæ crimen cum probro illis obiectasse: se multo libentius velle mori, quã virginitatem prodere respondisse. Porro cum edicto Saporis ratum esset, vti supra demonstratum est, vt soli sacerdotes & doctores fidei Christianæ comprehenderentur, Magi & eorum principes totam Persidem obeuntes, episcopos et sacerdotes grauibus afficiunt incommodis, cum in aliis locis, tum maximè omnium in Adiabenorum regione, quæ est pars Persidis tota fidei Christianæ dicata.

*De sancti Acepſimæ martyrio, & alijs qui cum eo mortem oppetebant.*

CAP. XII.

**S**Vb idem tēpus Magi Acepſimã quoq; episcopũ, & cōplures ex eius Clericis vnã quidē comprehendunt: sed cū antistitē, velut prædam per insidias cepissent, eo contenti, ceteros, direptis illorũ bonis, dimiserunt. At verò Iacobus quidam præbyter Acepſimã sua sponte sequitur, & potestate à Magis postulata, in eundē carcerē cū eo cōcludit: eiq; vtpote ætate valde prouecto lubēs, inseruit, subleuat, quantũ potest, eius calamitates, & plagarum vibices faciat. Nam paulò post quàm erat comprehensus, magi loris crudis, quò solem adorare cogent, eum acerbè verberant: Sed vbi non cesserit, rursus cōijciant in vincula. Per idem tempus Aeithalas etiam & Iacobus presbyteri, Azadanes & Abdiesus diaconi ob Christianam religionem in carcere iacuerunt, crudelissime à Magis cæsi. Multo autem iam dilapso tempore, princeps Magorum cum rege de illis communicat: atq; nactus potestatem eos pro arbitrio suo torquedi, nisi solē adorarēt, mandatum Saporis illis, qui in carcere tenebantur, significauit. Atque simul vt respondissent se nunquam prodituros Christum, neque solem adoraturos, adeo crudelibus tormentis illos cruciauit, vt Acepſimas in fidei confessione fortiter perstans, mortē obierit. Cuius reliquias quidã ex Armenia, qui obsides erāt apud Persas, tumulto cōdidere. Alii autē, licet nō minus acerbè, quàm

quã ille verberati, præter omniũ opinionẽ in vita mãserũt, qui cũ in eadẽ perseueratẽ sententia, in carcerẽ denuo conpinguntur. Quorũ de numero fuit Acithalas, cuius brachia inter vapulandũ sic vsque ab humeris violenta extensione diuulsa & enernata fuere, vt manus tanquam mortuã inde penderent: quo factum est, vt alij cibum illius ori admouerent. Isto Sapore regnante, infinita multitudo presbyterorum, diaconorum, monachorum, sanctarum virginum, & aliorum, qui in ecclesiarum ministerio versabantur, & erga religionem præclare animo affecti erant, egregia piã vitã testimonia dedit. Episcopi autem, quos accepi mortem in hac persecutione oppetiuisse, sunt Barbasymes, Paulus, Gaddiabes, Sabinus, Mareas, Mocius, Ioannes, Hormisdas Papas, Iacobus, Romas, Maares, Agas, Bochres, Abdas, Abdiesus, Ioannes, Abramius, Agdelas, Sabores, Isaac, et Dausas, qui à loco quodã, qui Zaudæus dicitur, à Persis captiuus abductus fuerat, & illo tẽpore pro fide Christiana morte multatus, vna cũ Mauream de Chorepõ & clericis, qui in eius dicecesi erant, numero plus minus ducentis quinquaginta, qui comprehensi à Persis & captiui abducti fuerant.

*De Millis episcopi martyrio, & eius vita, & quòd Sapores sedecim hominum milia qui nominatim recesserant, præter aliorum innumerã multitudinem martyrio tradidit.*

## CAP. XIII.

**P**ER id temporis etiam Milles martyrio occubuit, qui primũ apud Persas milirauerat, postea autẽ relicta militia, vitã genus planẽ apostolicũ excolere cœpit. Fertur illũ, cũ esset episcopus vrbis cuiusdã in Perside creatus, multos sæpenumero cruciatus perpassum esse, verbera etiã & distractiones membrorum pertulisse. Ac cum meminem in ea ciuitate posset ad fidem Christianã traducere, agrẽ & iniquo animo ferentẽ, ciuitatẽ execratũ esse, indeq; decessisse. Nõ longo post tẽpore, cũ primarij viri illius vrbis in regem peccassent, exercitũ cũ trecentis elephantis eò profectũ, vrbẽ euertisse, & velut agrum colentes, in ea sementem